

**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
DOM NARODA
Broj: 04-011-87/98
Sarajevo,2.septembar 1998.godine**

ZAPISNIK

12. sjednice Doma naroda Parlamentarne skupštine Bosne i Hercegovine održane 2. septembra 1998. godine u Lukavici

Sjednica je počela u 11 sati.

Dvanaestom sjednicom Doma naroda predsjedavao je Avdo Čampara zamjenik predsjedavajućeg Doma naroda Parlamentarne skupštine Bosne i Hercegovine, zbog odsustva predsjedavajućeg gospodina Petra Majića.

Sjednici je prisustvovao dovoljan broj delegata i Dom naroda je mogao pravovaljano odlučivati.

Pored delegata sjednici je prisustvovao gospodin Neven Tomić, kopredsjedavajući Vijeća ministara.

Prije utvrđivanja dnevnog reda predsjedavajući je upoznao delegate da je Vijeće ministara dostavilo Parlamentarnoj skupštini BiH na razmatranje i usvajanje slijedeće zakone: Prijedlog zakona o telekomunikacijama, Prijedlog zakona o taksama, Prijedlog zakona za izmjenu i dopunu Zakona o putnim ispravama i Prijedlog zakona za izmjenu i dopunu Zakona o imunitetu.

Predsjedavajući je upoznao prisutne delegate da je Visoki predstavnik gospodin Carlos Westendorph dostavio pismo Parlamentarnoj skupštini BiH u kome predlaže da Parlamentarna skupština razmotri i donese zakone koje joj je dostavilo Vijeće ministara. Gospodin Westendorph je takođe predložio da Dom naroda donese Zakon o privatizaciji preduzeća i banaka u Bosni i Hercegovini, kojeg je već usvojio Predstavnički dom Parlamentarne skupštine BiH.

Pošto Dom naroda nije usvojio ovaj Zakon, Visoki predstavnik je u skladu sa svojim ovlaštenjima objavio Zakon o privatizaciji preduzeća i banaka u Bosni i Hercegovini.

Sa predloženim izmjenama dnevnog reda nisu se složili svi delegati Doma naroda pa je za današnje zasjedanje usvojen slijedeći

DNEVNI RED :

1. Usvajanje Zapisnika sa 11. sjednice Doma naroda,
2. Prijedlog zakona o carinskoj politici Bosne i Hercegovine.

3. Davanje saglasnosti na sporazume:
 - a) Sporazum o međunarodnom cestovnom prijevozu putnika i roba između Vlade Islamske Republike Iran i Vlade Bosne i Hercegovine,
 - b) Sporazum između Vlade Kraljevine Švedske i Vijeća ministara Bosne i Hercegovine o međunarodnom cestovnom prijevozu putnika i roba
4. Delegatska pitanja

Ad-1 Usvajanje Zapisnika sa 11. sjednice Doma naroda

Na Zapisnik sa 11. sjednice Doma naroda Parlamentarne skupštine Bosne i Hercegovine nije bilo primjedaba.

Zapisnik 11.sjednice Doma naroda održane 22. jula 1998. godine usvojen je jednoglasno.

Ad-2 Prijedlog zakona o carinskoj politici Bosne i Hercegovine

Prijedlog zakona o carinskoj politici Bosne i Hercegovine dostavilo je Vijeće ministara.

U raspravi nije niko govorio.

Dom naroda Parlamentarne skupštine Bosne i Hercegovine jednoglasno je usvojio Zakon o carinskoj politici Bosne i Hercegovine.

Ad-3 Davanje saglasnosti na sporazume:

a) Sporazum o međunarodnom cestovnom prijevozu putnika i roba između Vlade Islamske Republike Iran i Vlade Bosne i Hercegovine,

U raspravi nije niko govorio.

Dom naroda je jednoglasno usvojio Sporazum o međunarodnom cestovnom prijevozu putnika i roba između Vlade Islamske Republike Iran i Vlade Bosne i Hercegovine.

b) Sporazum između Vlade Kraljevine Švedske i Vijeća ministara Bosne i Hercegovine o međunarodnom cestovnom prijevozu putnika i roba.

U raspravi nije niko govorio.

Dom naroda je jednoglasno usvojio Sporazum između Vlade Kraljevine Švedske i Vijeća ministara Bosne i Hercegovine o međunarodnom cestovnom prijevozu putnika i roba.

Ad-4 Delegatska pitanja

Na ovoj sjednici Doma naroda nije bilo delegatskih pitanja.

S obzirom da je ovo posljednja sjednica Doma naroda Parlamentarne skupštine Bosne i Hercegovine ovog delegatskog saziva, gospodin Momir Tosić, prvi predsjedavajući Doma naroda osvrnuo se na rad ovog Doma u proteklom periodu i istakao da je Dom uspješno radio. Tom prilikom gospodin Tošić se zahvalio Vijeću ministara i Uredu Visokog predstavnika na uspješnoj saradnji.

Gospodin Avdo Čampara, predsjedavajući ove sjednice Doma naroda, takođe se zahvalio delegatima, predstavnicima Vijeća ministara i Ureda Visokog predstavnika na saradnji i poželio da Parlamentarna skupština Bosne i Hercegovine, u novom sazivu, brže i konstruktivnije radi i usvaja ponuđena rješenja koja su od interesa za građane Bosne i Hercegovine.

Sjednica Doma naroda Parlamentarne skupštine BiH završila je sa radom u 11,30 sati.

Magnetofonski snimak sjednice čini sastavni dio zapisnika.

**ZAMJENIK
PREDSJEDAVAJUĆEG
DOMA NARODA
PARLAMENTARNE SKUPŠTINE BiH
Avdo čampara, s.r.**